



Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt Qvintvm. Quomodo peccatum, quod neque substantia est, neque res aliqua aut natura, sic hominum naturam immutare & dejcere potuerit vt ei dominaretur.

[urn:nbn:de:hbz:466:1-46059](#)

18 DE CHRISTIANA LIBERTATE
cessitas. Agnosce te in illa, & exclama ad Dominum;
vt de necessitatibus tuis etiam hic liberet te. vt hinc
quoque liberatus cum fueris, confiteantur illi misera-
tiones eius. Hanc ille necessitatem agnouit, & domini
ex ea liberantis miserations non ignorauit qui dixit:
Dormitauit anima mea praetatio, confirmata in ver-
bis tuis. Triplicem igitur hominis peccatoris neces-
itatem ostendimus. Primam erroris & inopiae veritatis,
Secundam difficultatis bene operandi. Tertiam tadij
atque fastidij verbi salutaris. unde profecto cognosci-
tur magnitudo seruitutis eius de qua disserimus.

CAPUT QUINTVM.

*Quomodo peccatum, quod neque substantia est, neque res ali-
qua aut natura, sic hominum naturam immutare & deij-
cere potuerit, ut ei dominaretur.*

TA M E T S i enim peccatum non substantia est ali-
qua: imò nec tam res quam rei priuatio, naturæq.
defectus, ab incommutabili bono recendentis: ideo ta-
men seruitutem magnam inducit, quia tyranni poten-
tis in modum trahit ac præualet, neque excutinisi au-
xiliante Deo potest. Veraque seruitus hæc dicitur, non
quia tropus absit dictionis, sed quomodo virtutes di-
cimus veras esse diuitias, & peccatum veram mortem:
& quomodo Christus ait, Ego sum vitis vera. Quæ
enim sub homine seruitus agitur, tanquam umbra quæ-
dam est, si cum peccati seruitute comparetur. Ideo sa-
nè & Ægyptiaca illa seruitus Israëlitarum, & postea
duodecim tribuum sub gentium Monarchis dura ca-
ptiuitas, hanc nobis adurabarunt peccati seruitutem.
Quonam autem modo sic præualere, & naturam opti-
mè institutam vitiare atque in deterius mutare pecca-
tum potuerit, quod nihil esse videatur, olim quoque
disputationem habuit propter Pelagium, quem ex

D. Au-

D. Augustino constat istiusmodi argumento, de peccati, ut sic loquar, nihilitate petito, Catholicorum oculis tenebras offundere studuisse. sic enim de eo scribit Augustinus libro De natura & gratia, capite decimonono: Iam nunc videte quod ad rem maxime pertinet, quo modo humanam naturam tanquam omnino sine ullo vicio sit, conetur ostendere, & contra apertissimas scripturas Dei digladietur sapientia *De natura & gratia, c. 19.* verbi, qua euacuetur crux Christi. Sed planè illa non euacuabitur, ista potius sapientia subuertetur. Nam cùm hoc ostenderimus, aderit fortasse misericordia Dei, ut & ipsum hæc dixisse pœnitentia. Primo, inquit, de eo disputandum est, quod per peccatum debilitata dicitur & immutata natura. Vnde ante omnia quærendum puto, inquit, quid sit peccatum, substantia aliqua, an omnino substantia carens nomen, quo non res, non existentia, non corpus aliquod, sed perpetram facti actus exprimitur. Deinde adiungit, Credo ita est, & si ita est, inquit, quo modo potuit humanam debilitare vel mutare naturam, quod substantia caret? Videte quæso, quomodo nesciens nitaritur euertere medicinalium eloquiorum voces saluberrimas, Ego dixi, Domine miserere mei, sana animam meam, quia peccavi tibi. Quid sanatur, si nihil est vulneratum, nihil sauciatum, nihil debilitatum atque vitiatum? Porro si est quod sanetur, vnde vitiatum est? Audis confitentein, quid desideras disputationem? Sana, inquit, animam meam. Ab illo quæreret vnde vitiatum sit, quod sanari roget, & audi quod sequitur, Quoniam peccavi tibi. Hunc iste interroget, ab isto quærat quod quærendum putat, & dicat, O tu qui clamas, Sana animam meam, quoniam peccavi tibi: quid est peccatum? Substantia aliqua, an omnino substantia carens nomen, quo non res, non existentia, non corpus aliquod, sed tantum perpetram facti

B 2

actus

actus exprimitur? Respondet, Ita est ut dicis, non est peccatum aliqua substantia, sed tantum hoc nomine perperam facti actus exprimitur. Et contra iste: Quid ergo clamas, Sana animam meam, quoniam peccavi tibi? Quo modo potuit vitiare animam tuam, quod substantia caret? Nonne ille mœrore confessus vulneris sui, ne disputatione ab oratione querteretur, breui-

Matth. 9.

ter responderet & diceret: Recede à me obsecro, cum illo potius disputa, si potes, qui dixit: Nō est opus sanis medicus, sed ægrotatibus: Non veni vocare iustos, sed peccatores? vbi iustos vtique sanos, peccatores autem appellauit ægrotos. Cerniisne quò tendat & quò manus porrigat hęc disputatio, ut omnino frustra dictum putetur, Vocabis nomen eius Iesum, ipse enim saluum faciet populum suum à peccatis eorum? Quo modo enim saluum faciet, vbi nulla est ægritudo? Peccata quippe, à quibus dicit Euangelium saluum faciéndum populum Christi, substantiae non sunt, & secundum istum vitiare non possunt. O frater, bonum est, ut memineris te esse Christianum, credere ista fortasse sufficeret: sed tamē quia disputare vis, nec obest, imò etiam prodest, si firmissima præcedat fides, nec existimemus peccato naturam humanam non posse vitiari, sed diuinis credentes Scripturis peccato eam esse vitiatam; quo modo id fieri potuerit inquiramus, quoniam peccatum iam didicimus non esse substantiam. Nonne attenditur, ut alia omittam, etiam non māducare, non esse substantiam? A substantia quippe receditur, quoniam cibus substantia est. Sed abstinere à cibo non est substantia; & tamen substantia corporis si omnino abstinetur à cibo, ita laguescit, ita valetudinis inæqualitate corruptitur, ita exhaūritur viribus, ita lassitudine debilitatur & frangitur, ut si aliquo modo perdureat in vita, vix possit ad eum cibum reuocari, vnde abstinentendo vitiata est. Sic non est substantia peccatum, sed substan-

Matth. 1.

Substantia est Deus, summaque substantia, & solus verus rationalis creaturæ cibus; à quo per inobedientiam recedendo, & per infirmitatem non valendo capere quod debuit & gaudere, audis quemadmodum dicat: Percussus sum sicut fœnum, & aruit cor meum: quo-
Tsal. 102.
niam oblitus sum comedere panem meum. Sic Au-
gustinus clarissima similitudine proposita demonstra-
uit, quæ potuerit esse peccati tanta pernicies ad natu-
ram hominum vitiandam atque deiiciendam in ser-
uitutem viribus humanis inextricabilem, etiā si pec-
catum neque substantia, neque res aliqua videatur esse.

CAPUT VI.

Hac peccati considerata seruitute, sic veteres subinde locutos
esse, ut peccato perisse dixerint liberum arbitrium.

PROPTER hanc igitur peccati quam incurrimus seruitutem lugēdamque necessitatem, existunt illa apud veteres de amissa libertate arbitrij, quibus abuti-
tur hæretorum imperita vafricies ad tollēdam è na-
tura hominum liberi arbitrij facultatem. Cùm libero
(inquit Augustinus) peccaretur arbitrio, viatore pec-
Enchiridij
cap. 30.
cato amissum est & liberum arbitrium. Et alibi: Ipsa,
inquit, libertas credentibus à liberatore promittitur:
Ratiocin. 9.
Ioan. 8.
Si vos filius liberauerit, verè liberi eritis. Viota enim
vitio in quod cecidit volūtate, caruit libertate natura.
Et eodem loco: Ipsa enim sanitas, est vera libertas; quæ
non perisset si bona permanisset voluntas: quia verò
voluntas peccauit, secuta est peccantem, peccatum
habendi dura necessitas. Et Concilium Arausicanum
Cap. 13.
secūdum: Arbitrium voluntatis in primo homīne in-
firmatum, nisi per gratiam baptismi non potest repa-
rari: quod amissum nisi à quo potuit dari, non potest
reddi. Et rursus in eodem sic reperitur constitutum:
Si quis per offensam prævaricationis Adę, non totum,
id est, secundūm corpus & animam, in deterius homi-

B 3 nem